



01928

莆風清籟集

卷五十三

同里黃化龍爾遊 叅訂

里人鄭王臣慎人一字蘭咳輯選

同里潘朝臣章卿 校閱

失名

唐

唐詩紀事二首

謝山子云唐詩紀事載此詩為莆人作太平廣記作胡釘錢因知吾郡名詩散落者甚多安得遍搜遺書而闡之

莆風清籟集卷五十三

喜園田韓少府見訪

忽聞梅福來相訪。笑着荷衣出草堂。兒童不慣識車馬。爭入蘆花深處藏。

江際小兒垂釣

蓮頭稚子學垂綸。側坐蒼苔草映身。路人借問遙招手。只恐魚驚不應人。

明

玄玄子

九鯉湖



青竹杖頭挂一瓢。東來雙鳥訪王喬。琪花瑤草龍蛇窟。  
日午流霞結彩橋。

草堂病起詩

蘭陔詩話子偶從敗篋中得草堂病起詩一帙不著姓氏中有與鄭牧仲陳石人唱和之作殆崇禎間人也句如衰顏病色鑾臨鏡落日寒原畏上樓白髮有根春亦長青山無主夢初歸夜月賣花沽酒巷春風走馬開雞天江上小樓橫笛遠人間流水夕陽斜並饒幽致

選得孤山住。此翁柴門流水數家同。連村樹色抽煙白。  
幾夜霜痕積葉紅。鴈過無書傳塞北。鶴鯨有路自遼東。  
當年空走漁陽道。不見悲歌似古風。

莆風清籟集卷五十三

石刻

唐

莆田縣廳事石記

宋慶曆四年秘書丞張暉出知莆田縣修廳事治地得石銘長五尺濶如之其文云後有唐大曆五年縣令押字今人家用石書石敢當三字鎮於門亦此風也

石敢當鎮百鬼。壓災殃官吏。福百姓。康風教。盛禮樂。昌

吳塘石刻

元時吳塘人淘井得石刻詩未書乾寧三年秋吳數字餘漫滅不可識

去國投茲土。編茅隱舊蹤。年一秋水上。獨對數株松。

明

智泉石刻

末書同遊李郡丞卿式朱節推朝和方方伯壽卿正德庚辰二月丙子題

覓勝懸岷立。凭高萬象新。山靈留異蹟。天意待吾人。玉  
澗飛冰雪。丹書勒鬼神。世情渾欲忘。花鳥見深春。

聖壽寺石罽詩

石罽題識紀別年。風烟南北各婁然。蒼蒲坐我靈山下。  
猶借高人一榻眠。

識語

唐

壺公山識

壺公山在蒲城南二十里。唐詩有識云。及宋

蒲風清籍集卷五十三

三

李宏築木蘭陂。水遠山下。莆人遂多通顯。

水遠壺公山。此時大好看。壺公山欲斷。莆陽朱紫半。

黃湓樂識

湓繁一名文矩。賜號妙應禪師。唐時石室巖僧

出語成識。閩王氏亡。留從効。據泉州。先是師有

識云。既而清源果無干戈之擾。乃從効姓名

所應

先打南。後打北。留取清源作佛國。

又

妙應禪師嘗語人曰生吾前者非聖人生吾後者非聖人吾去世後六十年後有無邊身菩薩來治此國因作歌云：人莫喻其旨後禪師卒於唐光化戊午至宋建隆庚申六十有二年太祖以火德王散羣雄為一統適應無邊之識小月走燦：千村及萬落處：鳳離巢家：種葵藿。

明

卓小仙識

嘉靖中莆田患倭又多病疫茲是人有問卓小

莆風清籟集卷五十三

四

仙以莆事者小仙答之云：及嘉靖甲寅小仙託言非遊過江口橋語人曰吾去之後橋石折莆陽變矣丙辰橋石果折壬戌遂有陷城之變君問莆陽事官貪吏要錢八方七不靜十室九無煙黎庶苦中苦乾坤顛倒顛若過壬戌歲方見太平年。

唐

貞元中語

歐陽獨步藻蘊橫行謂詹及藻蘊相繼登第也

雜詠

明

馮太守謠

正德岳池馮副守興化有惠政百姓謠曰

馮太守來何遲胥吏瘠百姓肥

嘉靖中童謠

嘉靖戊午倭入閩童謠云至壬戌倭破莆城

天兵者都督劉顯兵甲背皆書天兵二字遣兵

入城為倭所殺衣其甲以給城中分守道誤信

納之城遂被陷土成者城也重熙者戚將軍繼

莆風清韻集卷五十三

五

光也歲者莆音帥與歲同後果戚將軍平其難

我是天兵放火殺人滅王綱破土成歷午未至酉申牛

女界號令明重熙歲見太平

莫徐三令歌

嘉靖中廣東莫天賦知莆田縣多善政及內擢

姚江徐執策代之亦勵清操人謠曰

難留明月莫去却喜清風徐來

吳公謠

崇禎中新安吳彥芳為莆田令有惠政秩滿去

新縣令催科嚴民乃思吳公歌曰  
陽春何去霜雪何來父耶母耶翳惟我懷

醫生謠

橘子黃醫生藏菊花香藥店荒

神異

宗

陳忠祐侯一首

侯名應功字以忠宋太平興國中勸陳洪進納  
土封平閩將軍以討游洋寇戰沒寶祐中宣撫

莆風清籟集卷五十三

六

陳淬奏封孚善侯淳祐中封廣利侯咸淳中封

嘉澤侯景炎元年文丞相天祥奏封忠祐侯

蒲咳詩話侯少時以鄧葛自許嘗教人曬鹽歿  
後屢著靈異宋末有神降于廟人聞肅味聲求詩  
百首為籤飛筆立書七十七首遂去蓋侯神也  
明有書生林某者善行書以貧故將遠遊求籤  
於侯示以鴛鴦一詩生未解復求又示以竿笠  
一詩後遊崑山避雨王相國荆石門外獨立無  
聊念相國父子貴顯因戲書所得侯詩於粉牆  
云鴛鴦依然兒鴛鴦棋麟今又子麒麟崑山片  
玉為奇寶合浦雙珠亦至珍聞人訶之荆石見  
詩甚喜亟令追還延為上賓數日值荆石上壽  
出名畫求題生素不能詩窘甚既見畫為長江  
釣艇又以所得侯詩題之云一竿一笠一蓑衣  
天北天南任所之江上晚來風月好歸船滿載  
錦鱗兒荆石大悅未幾生求去贈以百金甫就

道位鄉人致書蓋生久不歸其妻求籤於候示  
詩云幾年散浪江湖客行李蕭然一鶴輕天上  
浮雲無住意門前流水作歸聲妻絨寄以遠  
歸生得詩即書以留別荆石極贊嘆見有行李  
蕭然句再以二百金為贖其巧於作合如此錄  
詩一首以紀靈異

國朝

江真人 二首

真人名山字衣雲順治中降乩於莆

蘭陔詩話真人順治戊子降於莆之刺桐里後  
又降於枕洞飛乩賦詩揮灑若風雨之驟又能  
作畫蕭蕭有致莆人梓其詩文為衣雲集

莆風清籟集卷五十三

七

冬日即景

無從探野色乘興到書堂雪片侵苔徑霜華映竹牀  
懷當共適何句不生香為語二三子醇醪好細嘗

對月

挂樹月初白隔山鐘一鳴此時心似水獨坐到三更

鬼物

明

王太守文



蘭陵詩話萬曆中王太守良臣築別業于  
已就傾圮崇禎中諸生梁鑿字昂鍾假以  
夜有麗人至自稱太守女與昂鍾定情三年一  
夕別去作詩贈生後昂鍾仕為中書舍人隨朱  
亂岡起兵戰死木蘭陵上

別梁生

側。復力。與君長嘆息。出入自苦愁。單情還相憶。

國朝

楓亭荔枝

一首

蘭陵詩話順治中王修伯步月楓亭溪上遇女  
即贈以詩箋比明視之惟荔枝一片而已

贈王修伯

黃風清韻集卷五十五

八

來看月色等瑤池。咫尺涼生冰去。玉肌欲識生前託。化  
地。漢宮扶荔貯嬌姿。

莆風清籟集卷五十四

德清 沈作棹觀丹

叅訂

將樂 邱深造汝成

里中後學鄭王臣慎人一字輯選

同里 蝗必第瑛侯 校閱

仙遊

莆風清籟集卷五十四  
蘭陔詩話興安本蒲口之地古名莆中舉莆可  
以統仙向來莆陽文獻莆陽風雅等書並載仙  
邑名流著作今另輯為三卷附于後○仙邑唐  
宋佳章流傳已少有明以來惟鄭東園唐梅臣  
鄭逸溪諸公全集尚存其餘或官蹟五著或人  
品足稱雖詩未入格亦不敢遺斷簡殘編廣蒐  
博訪仙邑名流庶無挂漏矣

莆風清籟集卷五十四

一

唐

鄭良士 五首

一字君夢景福二年獻詩五百首授國子四門博  
士累遷康恩二州刺史兼御史中丞天復元年  
棄官歸隱於白巖後閩王辟為建州判官累遷  
左散騎常侍兼御史大夫有白巖集中壘集

僊臺山

到此溪亭上浮生始覺非野僧還惜別遊客亦忘歸月

滿千巖。靜風清。一磬微。何時脫塵役。杖屨願相依。

### 九鯉湖

仄徑傾崖不可通。湖嵐林靄共溟濛。九溪瀑影飛花外。  
萬樹春聲細雨中。覆石雲閒丹竈冷。採芝人去洞門空。  
我來不乞邯鄲夢。取醉聊乘鄭圃風。

### 寄富洋山禪者

踏破青山路一條。走鞭飛蓋去何遙。礙天巖樹春尤冷。  
鎖院溪雲晝不銷。書上茗芽因客煮。海南沉屑為齋燒。  
誰能學得空門士。冷卻心灰守寂寥。

### 莆風清籟集卷五十四

### 題鳴峯巖

卓錫栖霞老道翁。結茅幾塔萬山中。石爐晝夜香騰霧。  
琪樹春秋翠插空。菜長給孤園值雨。簾搖羅漢谷生風。  
禪閣寂寞無人到。塵世喧囂絕不同。

烟水蒼蒼鯉水南。千松萬籟障精藍。銀缸剔起殘燈照。  
石鼎烹來新茗甘。磬響僧僮揚梵語。雲迷佛閣隱巖龕。  
道人去久知何處。明月年年照石龕。

### 陳乘一首

字未詳乾寧元年登進士第官秘書郎

蘭陔詩話秘書與鄭君夢徐招夢相唱和遺詩  
已少流傳

遊九鯉湖

汗漫乘春至。林巒霧雨生。洞莓粘屐重。崖雪濺衣輕。窟  
宅分三島。煙霞接五城。却憐饒藥草。欲辨不知名。

張濟一首

字未詳官招討副使

遊九鯉湖

谷口逃名日。尋真逐野心。春雲迷曲澗。曉露濕單襟。翻  
瀑驚飛雪。鳴灘訝聽琴。最憐逸興發。白髮浪相侵。

蒲風清籟集卷五十四

三

宋

張式一首

字景則天聖五年進士官太常博士歷知濠壽

二州

九鯉湖

半生漂落江湖外。此日登樓花正開。丹竈依然沉澗水。  
珠簾空有挂瑤臺。昔年道士何時去。前度遊人今又來。  
點檢洞門題咏處。幾多墨跡篆蒼苔。

鄭少連一首

字儀魯良士曾孫嘉祐二年諸科官大理寺丞  
奇茅處士知至

世爭趨捷徑。君獨揜柴關。名利紅塵老。詩書白日閒。性  
恬神氣逸。琴淡古風還。誰識冥冥意。軒裳咳唾間。

傅 楫 一首

字元通治平四年進士調揚州司戶叅軍累遷  
國子司業起居郎中書舍人以龍圖閣待制知

亮州

遊九鯉湖

蒲風清籟集卷五十四

四

偶有尋真興。携琴扣竹關。嵩頭青嶂合。洞口白雲閒。火  
伏丹。猶濕棋殘局。已斑遊人迷去路。疑是武夷山。

蔡 京 三首

字元長熙寧三年登進士第累官尚書左僕射

兼中書侍郎加太師魯國公貶崇信軍節度副

使竄儋州行至潭州死

蕭陰詩話京與弟不俱有文乘使稍自愛亦一  
名士惟其貪戀爵位變亂紀綱父子兄弟自相

傾軋遂至名列六賊竄死東明青布裹屍藁葬

道左竟符太師青之讖千載下見其遺篇無不  
嘔噦唾棄錄存三首見京深負國恩正所以垂  
烟戒也

寄子攸

老懶身心不自由。封書寄與淚橫流。百年信誓當深念。  
三伏征塗合少休。目送旌旗如昨夢。心存闕塞起新愁。  
緇衣堂下清風滿。早。踈來醉一甌。庚溪詩話蔡攸與王黼童貫興燕山  
之後攸父京以詩寄攸徽廟聞之命鄧珙索之京即錄以進呈上讀之徐白好改作六月王師合少休也蓋時白溝報不捷故有是語觀京此語亦深知是役之非何不早納忠於君而力止其子行及此始以詩諷何太晚也

題保和殿壁

瓊瑤錯落密成材。檜竹交加午有陰。恩許塵凡時縱步。

蒲風清籟集卷五十四

不知身在五雲深。

玉真軒見安妃畫像

玉真軒內暎如春。只見丹青不見人。月裏嫦娥終有恨。

鏡中姑射未應真。

蘭陵詩話案玉真軒在保和殿西南軒內有玉華閣安妃所居也妃劉姓道士林靈素謂妃為九華玉真安妃蔡京嘗侍宴保和殿徽宗令妃見京京作詩曰保和新殿麗秋暉思許塵凡到綺闈帝續之曰雅興酒酣添逸興玉真軒裏見安妃須臾命京入軒但見妃像京又作詩云已而至閣妃出見京勸酬至再日暮始退觀京此詩解近媒慢與子攸問帝覓闈媿好同意

陳覺民

一首

字達野熙寧九年登進士第累官右文殿修撰

知廣州

過武夷

昇真洞口接天門。靈草丹桃日。春聽說列僊來瑞世。

三朝德業在斯民。

世傳章聖神考哲宗皆武夷仙人應世

林 豫

一首

字順之熙寧九年登進士第歷官知邵武軍坐

三蘓所薦入元祐黨籍有筆峰草錄

鳴山巖

昔風清籟集卷五十四

六

青山招隱桂叢高。五十年來姓字逃。春雨晴時星欲洗。

晚雷殷處水生濤。閑門不鎖空玄室。花徑無媒自碧桃。

安得飄飄塵外事。胡麻白日飭吾曹。

陳

謹

四首

字正仲隆興元年登進士第授甌寧主簿累遷

右司郎中除殿中侍御史徙太常少卿兼侍講

遷起居舍人直顯謨閣奉祠起為太常卿陞兵

部侍郎以集英殿修撰知寧國府封清源郡侯

致仕

蘭陔詩話正仲書法道勁類君謨淹貫奉箴  
詩文不作險語而雅有典則

### 過溪南韓氏宅

曾覽溪南勝。重來四十年。樹如人老矣。山共水依然。香  
玉紛堆案。晴虹對跨川。吾廬今咫尺。乘興且盤旋。

### 十洲亭

東塘昔號神仙景。亭以洲名世亦稀。山擁髻鬢臨水鑑。  
花鋪雲錦出天機。好風入座清如濯。古木分行翠欲圍。  
每到憑欄會心處。不知香氣襲人衣。

### 白牡丹

莆風清籟集卷五十四

七

玉色天然賽渥丹。亭亭並立倚朱欄。正綠不語偏含思。  
若使能行却厭看。

曉來玉露浥香腮。雪態雲裳妙剪裁。不比世情隨冷暖。  
此花端為老人開。

### 傳求一首

字未詳。楫姪元祐六年進士官通直郎。

### 寄張貺

利鎖名韉脫者稀。鐘鳴漏盡尚忘歸。獨全至樂能齊物。  
水達高年遂拂衣。明月數聲仙鶴唳。秋風一尺



賞心樂事知多少。只恐蒲輪到釣磯。

張 軹 一首

字景載政和二年進士官福州通判

遊九鯉湖

暎雲竹徑濕蒼苔。岩頂珠宮絕點埃。澗水遠分山色斷。  
林猿時帶笛聲來。唐朝百載惟詩在。漢事千年若夢迴。  
湖鯉猶傳靈異跡。無人不道是天台。

林 象 四首

字商卿乾道四年特賜同進士出身授興化軍

青風清籟集卷五十四

教授有萍齋集

九座閒咏

短。桃。花。點。綠。莎。輕。白。鳥。下。晴。波。宛。然。西。塞。江。邊。路。  
不。見。詩。人。張。志。和。

龍華晚望

喜。鵲。寒。鴉。噪。晚。西。山。前。茅。舍。起。炊。烟。小。橋。敗。葉。風。頻。掃。  
斜。月。平。蕪。犢。自。眠。

三會閒行

風。搖。麥。隴。東。西。浪。春。入。郊。原。遠。近。花。閒。趁。溪流。到。村。西。

幽垣古木兩三家。

溪上橫岡一徑斜。成行鴛鴦落平沙。竹籬茅舍林中見。彷彿孤山處士家。

傳 誠二首

字友叔淳熙十一年登進士第。倅無為軍。召監六部門。改宗正寺簿。擢淮西漕。遷司封郎中使

金

使金

霜明玉節映寒流。馬渡盧溝向上頭。萬里河山觀古塞。

昔風清籟集卷五十四

九

百年荆棘嘆神州。要臨瀚海銘燕石。莫上新亭作楚囚。多少遺民思舊俗。可憐金帛歲包羞。蕭陽文獻作傳至叔詩

東京道上口占

宮闕岩堯俯碧空。九門未曉月朦朧。馬嘶南陌東風透。回首神京一夢中。

王 邁 三首

字實之號耀軒嘉定十年登進士第授潭州觀

察判官改通判漳州坐交真德秀魏了翁削秩

復通判贛州歷知邵武軍以直秘閣提點廣東

刑獄贈司農少卿

對青亭

終日在山中。不知山可愛。欲愛山中趣。須在山之外。南山不古今。悠然與意會。西山無朝暮。佳致固長在。蔡君金玉人。結亭避闌闕。面蒼壁屏坐。卧與青對晚。曦射歎翠宿。雨濯藍黛猷。消幾兩屐不。賞此奇槩。芙蓉為君裳。蘭茝為君珮。今非避世時。乃學陶謝輩。諸公富唱酬。拔戟各成隊。我出一轉語。成功身始退。君為端明胄。忠孝終必大。山靈縱有盟。一出合破戒。蒼生正有求。富貴不渠貸。山債會一償。相期在晚歲。

昔風清籟集卷五十四

十

贈郭五星

五陵豪家。輕薄兒傲。駮成癖。不可醫。揮金買笑。紅塵市。老死不曉寒。與饑囊。螢杖雪。端貧士。杯水生涯。北窓裏。途窮山鬼恣。椰榆命。壓人頭。提不起。郭君昔從先人遊。萬文壯氣橫高秋。天無老眼不見錄。奴。白盡少年頭。一日訪余道艱窶。杯酒未闌。泪如雨。揅著有符金。不換鶉衣百結。無人補。我聞君語鼻亦酸。誤身直是坐儒冠。英雄未遇隱於卜。時人莫作白眼看。

桃花溝

為愛桃花三月辰。滿溝錦浪不勝春。風流展筆如堪續。應向此中一問津。

元

張禮一首

字未詳。至正中以薦授仙遊教諭。陞興化路判官。

九鯉湖

勝日訪仙子。支筇過此山。層峯飛鳥亂。流水落花閒。犬

首風清錄卷五十四

十一

吠白雲。外人歌翠岱。問明朝衣更換。攜手共躋攀。

應向此中一問津

為愛桃花三月辰

桃花溝

莆風清籟集卷五十五

魚臺謝怡嶺雲

叅訂

浦城孫振豪汝西

里中後學鄭王臣慎人一字蘭陔輯選

同里潘逢秋向友校閱

仙遊二

明

王希哲一首

字無攷一作姓黃洪武中薦辟官四川僉事

莆風清籟集卷五十五

遊九鯉湖

暫謝簪纓累振衣上翠微。瓊宮分石澗。瑤草閉山扉。王子登仙去。劉郎採藥歸。細論今古事。頓覺此身非。

張端一首

字直夫永樂戊子鄉薦

遊九鯉湖

山城佳處即仙家。遊興未消日已斜。明日振衣登絕頂。五雲深處看梅花。

陳升一首

字景順正統己未進士官行人司正

九鯉湖

夜夢昭靈異。竒觀迥萬峯。空憐泉石勝。安得酒盃從。犬吠雲歸洞。鶴鳴月在松。何年問丹訣。結宇傍盤龍。

李梁一首

字廷正正統乙丑進士官監察御史

蘭陔詩話英宗北征時廷正上疏陳五不可詞甚激切惜置不聽果罹土木之難

蔡溪巖

風吹溪澗水流沙。高閣虛欄半紫霞。未會聘君修煉法。

青風清籟集卷五十五

空教童子採松花。

茅昌一首

字常光景泰庚午鄉薦官河源教諭

九鯉湖

蓬壺佳境萃丹谿。萬壑飛泉注石梯。閣敞不扃星上下。鶴翔無定月高低。

鄭紀十六首

字廷綱天順庚辰進士累官南京戶部尚書致

仕有東園吟藁林雨可云東園詩得力于靜故能舉止安雅

蘭陔詩話仙邑人才宋時稍盛至明科日寡  
仕亦不達惟公存歷清華為一邑之望居家傲  
浦江鄭氏家範閨門聚食千餘指恩義禮法藹  
然有章其文類蕪老泉詩亦春容閒雅

### 登山即興

十疏辭丹陛。初來訪故山。白雲久有意。待我松梧間。抱  
琴往從之。綠陰墜闌珊。飄然忘塵想。毛骨生秋寒。登高  
一舒嘯。浩了天地寬。

### 牧牛圖

驅犢度直郊。萋萋煙草綠。午眠芳樹下。暮飲滄溪曲。和  
角發高譟。荷策隨所欲。披圖良有懷。寄語謝民牧。

### 首風清籟集卷五十五

三

### 餞顧高州

春暮送棘入行。過燕市。野花和雨落。沙鷺衝煙起。分  
酌賦新詩。投壺計贏失。不知塵世閒。幾度重遊此。

### 山齋夜坐

空谷何人伴幽寂。一點青燈照寒碧。小牕流影月將來。  
野草凝香露初溼。石壇坐久詩思清。崑花亂落山泉鳴。  
沉水香添炷新火。錦囊寒澁冰絃聲。幾尺茅檐依綠野。  
半庭秋色娛良夜。銀河不動斗杓橫。落木瀟瀟。襟靈籟  
羅衣脆薄寒生肩。竹爐煮茗飛青煙。呼童滿瀉謫仙酒。

狂歌喚醒婦娥眠。金風灑氣秋山小。天香吹落知多少。  
揮毫欲寫山齋陰。邨雞忽報海天曉。

直沽舟中

孤舟千里客。夜泊海門東。雨歇潮聲近。天寒波影空。柳  
塘魚網月。茅屋酒旗風。好景清人骨。長吟倚竹篷。

送林慎學之官

相送東郊去。秋雲驛路寒。祇因為客久。欲別故人難。馬  
向花間度。琴携竹外彈。隸來不覺晚。月色滿吟鞍。

新晴

莆風清籟集卷五十五

四

天際微風起。溪雲過短牆。山容環榻近。草色入簾蒼。古  
榭藏殘雨。隸鷗背夕陽。飛花如有意。亂逐馬蹄香。

遊鳴峯巖

清絕梅峯下。溪南第一山。客尋流水到。僧伴白雲閒。松  
子撲琴響。藤花點硯斑。雖居人世上。却自異人間。

北園踏雪

北園臘盡畫霏。行度楸坡雪滿衣。古壑斜連江樹沒。  
鷓鴣低傍野人飛。雲封短屐吟蒐冷。風透長裘酒力微。  
隸去小隄清不寐。柴門半掩客來稀。



溪亭春霽次岳泉韻

日午溪亭氣候和。斯文冠蓋遠相過。橋頭雨歇溪初溜。  
天際雲收山漸多。青草臺邊看馬戲。綠陰洲外聽漁歌。  
明年報政還多異。水滿西疇虎渡河。

訪隱士不遇

苔徑穿花入。柴門向竹開。山翁在何處。採藥未歸來。

應制咏獅子

天竺西來道路難。邊人笑引入長安。中原無數鳳麟在。  
願得君王注意看。

昔風清籟集卷五十五

五

夜坐楓溪橋

銀虹飛度水雲鄉。徧倚雕闌月色涼。夜半歸來風滿棹。  
家。門。巷。荔。支。香。

過葉正簡故居

蕭。芳。草。夕。陽。斜。古。砌。頽。垣。秋。色。賒。更。恨。當。年。知。國。樹。  
枯。枝。流。落。野。人。家。故址有  
知國樹

舟中偶成

細雨霏。過遠山。片帆搖曳碧雲間。休嗟客路多遲滯。  
一日舟中一日閒。

重遊祥雲寺

兩載無緣到此山。碧莎滿院落花斑。舊時蓮社人何在。孤鶴晴雲伴藥欄。

陳 遷 一首

字漢崇號倦飛天順甲申進士歷官江西叅議

蘭陔詩話倦飛早歲計偕讀書燕邸聞窓外有人語曰讀叅議不讀亦叅議後登第年方強仕遷賦隸鄭東園以詩勸之仕倦飛答詩云鴛因多甚醉鶴豈近林飢福薄宜安拙不關我倦飛

送林彌實還莆

潞水冰初泮。行人去問津。柳花飛撲馬。江鳥語留人。風

昔風清籟集卷五十五

六

月吟詩好。鄉闕入夢頻。到家春正暮。風雪滿頭新。

鄭 康 一首

字恒泰號撫松成化中歲貢生官華容訓導

蘭陔詩話撫松與家尚書東園陳少叅倦飛等十一人結耆樂會

會龍華寺

蒼松翠竹午陰長。濟水蒼英萃此鄉。黃鳥恒嗥荒刹樹。碧雲頻護老僧牆。山光迤邐排賓榻。花氣緜緜落酒觴。金玉相宣千載勝。何人道此是虛場。

鄭主敬 一首

字直夫。紀子。正德戊辰進士。官戶部主事。

遊九鯉湖

秋到蓬壺山意涼。晚風遙送洞花香。綠空潭入真無境。  
禪定如來何有鄉。曲逕松明臺半月。傾崖鶴化竈全霜。  
明朝擬盡遊觀興。坐對清流泛羽觴。

鄭主忠 二首

字誠甫。號三峯。紀子。正德中以廢補壽州同知。

經兜整峯下

兩階千羽海無波。偃仰兜整奏凱歌。回首九峯書院在。

莆風清韻集卷五十五

七

寒鴉滿樹夕陽多。

投龍洞

昇真人去免投龍。古洞清虛霧自封。白日羽翰誰脫屣。  
朗吟飛上大王峯。

徐純 一首

字肖夫。嘉靖癸卯鄉薦。官廣德知州。

遊九鯉湖

何處簫聲下。蒼鸞蓬萊真隱隔。人間踈松影落空壇淨。  
野洞雲飛白日閒。山水有情通夢寐。神仙何事說邯鄲。

忘機早已來鷗鳥。勘破浮生名利關。

張文鎖 一首

字士佩嘉靖中歲貢官將樂訓導

九鯉湖

危樓百尺倚長空。靜裏乾坤興不窮。山色湖光吞吐外。  
人寰仙跡有無中。簾開青嶂千峰雨。鐘度白雲一枕風。  
鬢髯桃源真境絕。不知身在水晶宮。

鄭瑞星 一首

字廷奎萬曆丙戌進士授信陽知州改岢州陞

青風清籟集卷五十五

刑部員外遷郎中

九鯉湖

到來幽洞覓仙踪。翠蔓牽衣帶露濃。千嶂樹深窺隱豹。  
一泓潭碧抱翔龍。藥爐竈冷留丹液。玉佩霞晴卧赤松。  
忽訝桃源人境隔。浮生醉夢幾扶筇。

李燦箕 一首

字士垣萬曆乙卯鄉薦官工部主事

雷轟深

羽客逍遙訪太清。轟轟紫氣動飛鯨。至今枕上來風雨。

萬壑濟生八月聲

唐大章 一首

字士一號自明天啓三年歲貢生以子顯悅封

兵部侍郎

蘭陔詩話自明講學金石山上議論皆宗王文成先生詩多率意其贈李蘆一絕頗類鐵體

贈余季蘆郎中

樂府淋漓辭最工。廉夫風格差能同。蘆花滿地小舟泊。鐵笛一聲明月中。

唐顯悅

四首

昔風清籟集卷五十五

九

字子安號梅臣天啓壬戌進士由兵部員外出知襄陽府陞蒼梧叅議歷陞兵部左侍郎有息

園集

蘭陔詩話梅臣鼎革後逃入海島改姓名曰陶無逸晚祝髮自稱逸衲大磐苦節良足稱也其詩譚友夏徐闇公序之

再過界山

山勢欲擁空。傍午見朝日。况是冬月深。岩壑氣增凜。

崖紫煙生絕澗。飛溜出嗟。此子遺民瘡。痕誰與恤。豈

似明蟾晚照。逃亡室。

秋吟

幽情旅况自相求。豈必言愁我始愁。越石吹笳難去敵。  
仲宣作賦畏登樓。雲肥溪口楓容老。笛響關山雁翻道。  
白髮每驚時候換。梧桐葉落故園秋。

宋玉塚

千載猶憐宋玉才。襄王雲雨夢初回。鄢南古栢年三樹。  
不待秋風生客哀。

鷺江雜感

北印回首即天涯。寒食東風吹落花。不見兒曹燒陌紙。

莆風清籟集卷五十五

十

月明惟聽樹。嘯鷓鴣。

戴震雷一首

字漢豫一字穉嘿天啓丁卯鄉薦第一官崇仁

知縣

天馬峯

菁葱橫漢表。萬古此神駸。紫電為鞭策。白雲作勒鞦。高  
騫威鳳媿。天矯老龍齊。山澤原通氣。千尋起渥窪。

戴震亨一首

原名震元字貞生崇禎庚午鄉薦官鉛山知縣

題唐子有冰雪居

此間適趣許誰同。數丈浮屠半畝宮。索句長趺垣竹下。  
問醅時出野橋東。池邊風過花初落。檻外雲歸樹欲空。  
雪骨冰心從昔具。絲華世態豈相蒙。

林蘭友 二首

字翰荃號自芳崇禎辛未進士官吏部員外遷  
山西道監察御史有迷々草

濟河曉發

曉々秋雲鎖未開。披星覓徑出蒿萊。關人時怪雞為客。

青風清籟集卷五十五

十一

聞道惟驚路有霜。露入故宮禾黍涼。風含中野雁鴻哀。  
江淮此際頻延但誰抱臨流作楫才。

羈中即事

沉々一室鎖纍臣。俯仰惟餘未死身。仄並無天可覆。  
道窮時與鬼為隣。河山淚洒還成血。宇宙魂消欲作塵。  
惆悵微忱曾格主。幾回封事復櫻鱗。

黃寅陞 二首

字弼甫崇禎中諸生

寄懷林自芳侍御曾長脩太史

怒挾天吳海水飛。孤臣飄泊欲何依。鷺銅劍氣腥南極。  
芳艸王孫却不歸。空餘碧血報高皇。義士蘆中色已黃。孤島梅開知漢臘。  
寸天無雨亦沾裳。

唐洞惓

一首

字子膺顯悅弟崇禎中諸生以薦授國子博士

有香潭集

除夕

幸餘樽酒共承歡。五日追呼暫得寬。歲盡不知新日月。

更殘但夢舊衣冠。

蒲風清籟集卷五十五

十二

吳駿聲

二首

字先岐崇禎壬午鄉薦

冶城七夕

烟吹九點散齊州。一葉驚風報素秋。杯底客心飛渡鶴。  
渚邊霽景望牽牛。誰將彩筆搖高嶽。欲倒銀河瀉小樓。  
天巧漫從瓜果乞。撩人熠燿舞池頭。

溶溶華月淡梧聲。向夕騰歡古冶城。牛女不憎寒角。  
關山頻動夜砧情。漫嗟遊子征衫卷。已見星梭碧落傾。



寄語疎查休問渡。蒼茫幾見海潮干。  
國朝

許侃一首

字清甫順治壬辰進士官邯鄲知縣

清水巖

幾年宦海任升沉。贏得霜花入鬢深。此日登臨消俗慮。  
風清水淡老來心。

唐仁永一首

字緝譽號紹亭顯悅子康熙中歲貢生官崇安

昔風清籟集卷五十五

十三

訓導有歸去百咏

蘭陔詩話紹亭詩自寫胸臆無意求工亦擊壤  
之流也

歸去吟

疎去石門舊我家。門開門閉總煙霞。不應逐上紅塵裏。  
辜負年上洞口花。

鄭黃燦四首

字屹瞻號逸溪康熙乙酉鄉薦官興化知縣有

耐齋詩藁

蘭陔詩話逸溪自莆遷于仙早歲孤露事母  
孝聞嘗蓄草古昔賢母繪諸屏障槩括本

贊以娛其母詩格亦見蒼老

次獻縣

六經。技一爐。千古笑秦狂。馬上終遺議。河間始購亡。奉藩才不愧。縱酒意堪傷。無復賢宗室。永懷邑里芳。

讀南部烟花記

波斯螺黛不勝收。五斛長蛾画遠愁。十六院中足佳麗。江都何必著迷樓。

拓。彈。春。林。打。紫。鴛。夜。來。卧。履。屑。塵。香。應。嫌。烟。燭。多。煤。氣。懸。得。明。珠。照。夢。長。

青風清籟集卷五十五

十四

禱咏

海。湧。山。頭。虎。踞。邱。闔。閭。霸。氣。尚。吳。洲。春。風。獨。上。貞。娘。墓。滿。樹。蒼。烟。叫。勃。鳩。

彭帝時一首

字敬夫號棋川康熙庚子鄉薦

蘭陵詩話敬夫工帖括詩非所長

留仙山

馭鶴僊人返十洲。選了千載此山留。將尋煉藥崖嶺。度嶺乘風不自由。

唐之冕 一首

字熙周號岐峰仁永子康熙中布衣有靜遠

集

肝胎舟中

江天上下碧流離。斜日輕風欲暮時。兩岸鷓鴣鳴不住。蘋花香裏過肝胎。

海上懷諸兄弟

海國無聊獨上臺。滄波渺瀰暮雲哀。橫空白鳥南飛去。風雨孤城客未回。

昔風清籟集卷五十五

十五

唐之華 一首

字熙寶號翮其顯悅孫康熙中歲貢生有存齋

詩集

清明

颺綠千門上。人家插柳時。空山啼杜宇。淺水浴鸕鷀。紙灰飛古墓。草色隱殘碑。歸鶴千年後。徘徊祇自愁。

鄭遠 三首

字懷伯號砥亭雍正丁未進士歷官北直

察使

予告歸田幻隱和尚過訪惠詩依韻答之

君恩深罔極。臣職愧屏藩。方以捐糜報。敢云養拙尊。桑榆沾雨露。杖屨樂邱園。欲結香山社。滿公已在門。

對菊有感

一枕秋風客夢寒。故園興動去猶難。却憐籬菊幾開落。恨不歸來對酒看。

三度發川老却秋。不堪此地任淹留。陶園有菊重相見。笑我勞。到白頭。

林 奮 二首

青風清籟集卷五十五

士

字有上號載臣乾隆壬午鄉薦有日知錄續

歲荒行

聞江東流浩無極。平地蛟龍謀窟宅。雨師風伯怒未休。水聲漲天天勢窄。中田剩見荒草長。百里春收無餘麥。二頃徒聞負郭田。三農愁見三時隙。家家內顧絕斗儲。吁嗟胡為逢此厄。憶昨壯遊京國年。薊門燕關遍車轍。去時水潦蕩未平。處處郊垆壞阡陌。相逢不見笠車人。唯有流民羸且瘠。乞食道左涕交頤。提携幼小拉服輒。鄭俠繪圖數難全。杜老羗村語嘖嘖。歸時風竿。

官差捕蝗。勢宣赫。十丁五丁分班行。捕得蝗蟲。一斗不  
大官嚴譴。莫兼朝。旁午羽書紛絡繹。馬疲人倦吏亦嘆。  
連畦接町行盤躡。荒凶已見水為災。忍復場苗生蠨蝥。  
始知氛祲無時無。客途感此頻太息。偃臥家園冬復春。  
夢魂不到關山月。課農秧馬南東走。懸望新年歌比櫛。  
豈意歲荒雨水多。風景依稀幽薊北。絃管吹雲已無心。  
金尊對月此何夕。慨息作此歲荒行。留與觀風使者得。  
天心仁愛自無私。會看豐稔年加額。

美人蕉

黃風清籟集卷五十五

十七

團扇秋風幾索居。名葩裁剪復相如。丹青莫寫卿顏色。  
怨殺當年班婕妤。

莆風清籟集卷五十六

龍山釋際位蓮隱

叅訂

幢山釋心法勾隱

里人鄭王臣慎人

一字蘭陔輯選

曹山釋實純常在

枝閱

僊遊三

釋子

唐

釋慧忠 二首

莆風清籟集卷五十六

咸通中賜號廣濟禪師住龜山院

蘭陔詩語禪師與莆田無了禪師善出入必偕  
嘗全行至龜洋過六脾神龜躡四小龜回首向  
二禪師俯仰如作禮者三因結茆居焉人稱為  
沈禪陳禪無了沈姓慧忠陳姓也

詔復釋教後述懷

雪後始知松柏勁。雲收方見濟河分。不因世主令還俗。  
那辨鷄群與鶴群。

多年塵土自騰騰。雖着伽黎未是僧。今日秣來酬本志。  
不妨留髮候燃燈。

宋

釋省澄一首

乾德中賜號真覺禪師初駐泉州招慶寺後主

龍華寺

示執坐禪者

大道分明絕點塵。何須枯坐始相親。杖藜日涉谿山趣。便是烟霞物外人。

釋定御一首

乾德中高田院僧

蘭陵詩話仙遊志載禪師踞獅子峰誦華嚴經  
一曰冥司遣使相迎作偈答之後六年乘雲飛

昔風清籟集卷五十六

二

昇因名其峰曰祥雲仙邑高僧如慧忠省澄定  
御皆禪中龍象不事辭藻從語錄志乘掇摭一  
二首不當以世諦文字律之

答冥司

三年過了又三年。閱徧華嚴滿五千。功德完時珍重去。何勞使者上高田。

明

釋廣禪一首

字十生俗姓唐名朗恒字子有萬歷中諸生少

司馬顯悅之兄國變後祝髮居九座龍潭寺有

冰雪集

江行懷仲弟子安

極目秋江淨。茫茫盼不窮。潮聲喧遠浦。雲影散長空。鳥  
下波光裏。人行水氣中。卯君在何處。離思託歸鴻。

釋機紹一首

字天月俗姓顧名招字雪來崇禎中諸生國變

後祝髮有處庵集

蘭陔詩話雪來與諸遺老結逋山社慷慨悲陰  
詩多瘦辭詭語拗僻難讀

過故宮

昔風清籟集卷五十六

三

清晝朱門閉。茸花輦路深。無人傳警蹕。斜日照高岑。

釋行盛一首

字本充號寰翁崇禎中祝髮大悲院後主杭州

慧雲寺

蘭陔詩話充公本明季諸生滄桑後託迹緇素  
拚闌禁足每入定時現種光恠固異僧也詩  
非所長

偶成

東風撲面輒紅塵。多少尋芳趣暮春。花柳蕭疎遊子醉。

鬚髮破衲守清貧。



程通津三首

字本止號窮子崇禎中蒼嶺品僧有足音集

蕭該詩話本止居無定所終日兀坐樹根煨品  
字崇支折脚鐺背苦吟不輟其詩顧雪來序  
之亦蹇僻少合作

山行

晨興理輕策。初冬游事多。薄霜未嚴寒。天氣尚清和。葦  
菲已云暮。白首將如何。放曠无成業。貧寒只自歌。林疎  
知樹冷。日落見山高。高山高猶可陟。路阻湯經過。

靈源洞

青風清籟集卷五十六

四

靈源洞口路。苔滑少人行。不見采芝客。惟聞流水聲。

秋懷

有興長懷不往。無家到處遲留。寒暑催人已老。鬢霜又  
長新秋。

釋如容一首

字無礙號芥庵崇禎中上田院僧

題画

數。猿。抹。雨。初。晴。山。自。嵌。嵌。水。自。明。松。塢。石。坪。短。睡。足。  
不。頭。箕。踞。聽。啼。鷺。

國朝

釋真淨

三首

字清斯順治中龍華寺僧後主福清黃檗寺有

別庵詩草

蘭陔詩話清公禪定之餘肆力詞章渾古上人贈詩有松間月映茶甌白花下風飄墨瀋香之句其風致可想見云

登龍峰訪碧居老師不遇

鑿壁䟽幽徑。依松築小關。泉停山欲靜。雲鎖院長閑。容  
至。棊初熟。潮迴月一灣。危巢踈遠竊。疑是老僧還。

道山晚眺

環流萬里鎖崔嵬。虎踞龍驤冠八垓。隸雁空中驚斷去。  
遠峰雲外似飛來。東連渤海窮三島。北控芙蓉接五臺。  
秋入戍樓悲画角。長城飲馬暮嘶哀。

樓居

白雲芳草滿空山。敢道無錢買得閒。半夜風腥知虎過。  
前溪霧重想龍還。澗澗未歇泉聲活。月色纔來竹影斑。  
俗事一毫忘管帶。誰知身在上頭關。

釋實性 一首

字坦然號雪疑順治中大悲院僧

渡江訪古拙法兄

布帆安穩泛清漣。兩岸秋風意灑然。遙指斜陽青嶂外。  
亂雲堆裏故人眠。

釋明謙 三首

字自牧號見山康熙中龍華寺僧有吟濤集

小晴

正是黃梅候。霏雨又晴。開牕千嶂合。捲幔百川明。翠  
鏤松篁溼。涼迎殿閣生。柴門遲縱屐。高枕聽泉聲。

青風清簾集卷五十六

六

客中寒食

一杖寒山野水涯。淡煙微雨柳絲斜。頻年禁火長為客。  
幾樹來禽又著花。蝴蝶睡中頻入夢。杜鵑聲裡未還家。  
顧予浪跡成何事。拋却東山好歲華。

山居

自從買得青山住。劇喜安身別有天。時向層岑舒遠眺。  
白雲斷處見人煙。

釋性宗 二首

字梵源號碧山康熙中寧國寺僧

秋夜寄懷冰兄  
西風吹木葉。一夕起。秋聲漸覺。緇衣冷。翻驚白髮。生宵  
深霜氣重。雲淨月華明。念我同參友。應牽契濶情。

山居

諫苑結屋住溪隈。暑約歌斜長綠苔。門外經年無剝啄。  
山禽飛去又飛來。

釋淨玉

四首

字靡瑕。號也。山康猗中。晉惠寺僧。後主福清黃

樂寺有吳越草

首風清韻集卷五十六

七

蘭陔詩話。靡瑕禪行高潔。善畫山水。潑墨淋漓。  
頗類米於菟。詩亦超脫越俗。

煙雨樓

西風鴻雁落平沙。獨上高樓客興賒。天迥五湖煙雨霽。  
江懸萬里夕陽斜。汀洲香氣碧蘭草。斷岸秋容紅蓼花。  
覽勝不須悲日暮。雲山到處是吾家。

舟泊京口

纜繫長江秋氣清。天涯久客總堪驚。烟寒橘柚千村杵。  
日落蒹葭萬壘程。松際月明低塔影。枕邊風動暗潮聲。  
廿年潦倒餘雙鬢。好伴漁樵過此生。

雙溪曉望

天邊破曉雁縱橫。極目高原賦未成。出寺鐘殘山谷靜。  
逆風帆急海潮生。烟含秋草空吳苑。葉落霜林見石城。  
措點前朝形勝在。汀花蕭瑟易傷情。

送友人還楚

浮踪久已托天涯。回首鄉園驛路賒。白雁聲隨秋葉亂。  
錦帆影逐楚雲斜。江連赤壁山初雨。霜落黃陵菊正花。  
聞道漢陽多長者。君歟應許演三車。

釋圓巽 二首

昔風清籟集卷五十六

八

字繹斯康熙中三會寺僧有東林集

午睡

晝永渾無事。心閒體亦閒。拋書橫笛簟。攤飯閉柴關。  
日影移簾外。松聲落枕間。黑甜真自適。百慮一時刪。

襟花

獨立空山暗愴神。生平知己竟誰真。飄零瘴海微吟客。

黃知稜。誦倅高。要有咏梅詞。云如今憔悴蠻烟瘴。窳窳

兩誰肯尋搜。又云昔年曾共醉。孤芳爭插玉釵頭。窳窳

長門作賦人。江梅如你。棲東賦以爭插玉釵懷往事。窳窳

拋珠顆。怨前塵。孤芳何事偏蕉萃。辜負年華又一春。

蘭陔詩話詠梅詩最難工蓮峯和尚梅花百味  
隸事雖博大都殊離玉綴之辭不脫前人窠臼  
繹斯上人亦有百味予獨愛此詩寄託深遠情  
致纏綿隸事復不離鄉曲洵佳構也

釋明昭 二首

字潛牧康熙中龍華寺僧有韜庵集

蘭陔詩話韜庵徧歷吳越燕楚叅五十餘知識  
歸開講席于龍華巾拂之傳甚眾嘗謂禪悟未  
始不從文字入教其徒作詩皆有法度可觀

鄧尉山

我愛萬峯勝幽探。憫此行穿林看竹色。聖石聽泉聲。山  
擁青芝秀。波環震澤清。高人不可見。望古起遐情。

莆風清籟集卷五十六

九

烟雨樓

經過長水口。烟雨獨登樓。野濶雲連草。湖平柳拂舟。村  
巒天外迥。城郭望中收。極目茶亭在。臨風憶勝遊。

釋寂章 一首

字劍文康熙中大悲院僧

秋夜

獨夜空山裡。裴裊愜素心。西風飄落木。涼月照層岑。鳥  
倦枝頭睡。蛩蛩寒艸際。吟鍛詩幽興。發長嘯動疎林。

釋明靜 一首

字素隱康熙中高田院僧

勸慧燈上人辭東山

人生漂轉任風花。何處雲山不是家。榭笠莎衣行嶺表。  
棕鞋竹杖度天涯。觀身似夢蕉中鹿。入世常驚井底蛇。  
圓鉢隨方頻展拓。未須丈室戀烟霞。

蘭陔詩話東坡三朵花詩以飛雀井蛇作對隱上人以井蛇配蕉鹿頗覺翻新

釋際聖

二首

字濬微號哲庵康熙中龍華寺僧後主福清黃  
檨寺有獅窟集

昔風清籟集卷五十六

十

遊龍潭

貪看峭壁瀉寒湫。不憚相將躡屐遊。幾尺蓬蒿勞覓路。  
百年亭榭已成邱。龍吹殘雨涎猶濕。蟬噪深林語更幽。  
一嘯孤峯遲薄暮。徐移竹杖下山陬。

山中雜咏

三椽草屋白雲間。垂老生涯在住山。苔滑板橋人跡少。  
紅塵隔斷碧溪灣。

釋通懿

二首

字肅宣號齊雪康熙中高田院僧

春日坐雨

正值陽春候。翻成小漏天。經函縈濕霧。書牖鎖濃烟。蟻子朝沿壁。魚兒夜上田。何時堪緩步。愁倚藥欄邊。

小居

新築茅菴傍綠溪。踈篁密柳護幽棲。空潭波斂魚吹沫。小徑泥深鹿印蹏。風靜鈴音鳴屋角。日遲花氣透窓扉。華嚴緒罷爐烟散。樹上迦陵不住啼。

釋普遠

二首

字舜毅康熙中三會寺僧

甫風清籟集卷五十六

十一

閒居雜咏

山雨晴猶滴。松風晚更涼。悠然心境靜。禪榻颺爐香。

釋寶益

一首

字永瞻號遜庵康熙中崇勝院僧

桂花

木犀花發小山阿。香氣熏人起浩歌。玉露灑涼月白。一天秋色占居多。

法侶



宋

陳 易一首

字體常崇寧中徵辟不赴有石門蟬脫集

蘭陵詩話聘君湛深經術晚歲逃禪與高田有  
需禪師友善隱居萊溪岩寄炊山下寺僧日致  
餘一盃或至經旬不食蔡子由正言以八行薦  
之謝以啓云心若死灰枉被吹噓之力身如槁  
木難施雕琢之功又云昔在儒門雖粗修於八  
行晚歸祖道惟務了於一心既已忘行復何  
有後轉運判官陳達野以行能尤異薦之終不  
起事見彭乘墨客揮犀

答有需禪師

季來多病欲棲禪寶鑑慵將照醜妍却憶南湖孤頂月

昔風清籟集卷五十六

十二

定回金磬落崑前

無名子

宋

賈卜道人 二首

蘭陵詩話宋通直郎朱貴紹興二十四年遇卜  
者授易課期於辛卯年再會錢江錢江貴所居  
處也後休官歸有道人請謁值賞畫卧應門者  
不以告乃書福祿二字於屏上入木三分又題  
詩於壁云應門者驚怪入告賞亟出迎道人  
已不知所之數日賞到雲林看牡丹又見石  
上有道人詩云賞俱和之

題壁

澗水涓々繞洞崖。洞邊時有小桃開。四邊環合疑無路。為問東風何處來。

題雲林石壁

金紫玉青世所稀。牡丹花下探天機。仙遊秀水真消息。身傍御爐香滿衣。

物怪

宋

妖鷄詩

蘭陵詩話蔡京喜食鷄每預蓄之烹殺過當一夕夢鷄數百訴於前其一鷄居前致辭云一事

昔風清籟集卷五十六

十三

見庚溪詩話中雖近怪誕亦足見京之貪饕暴殄近修仙邑志者點竄數字指為君謨事何其陋也

告蔡京

食君廩中粟。作君羹中肉。一羹數百命。下箸猶未足。羹肉何足論。生死猶轉轂。勸君宜勿食。禍福相倚伏。

莆風清籟集

卷五十七

滿洲開泰敬庵泰訂

莆田後學鄭王臣慎人一字蘭陔輯選

全錄金放南東軒校閱

官蹟

蘭陔詩話莆陽全書有紀遊一卷仕宦流寓諸賢題詩十五詩十六首今拆為官蹟遊踪二卷

所錄亦稍賡焉

唐

莆風清籟集卷五十七

孔仲良一首

字未詳曲阜人至聖四十一世孫寶歷中知莆

田縣卒于官子孫因家焉

署中即事

雲起松關作遠山。一庭細草未曾刪。吏書抱去琴聲靜。

驄使何須采下艱。

宋

劉子翬一首

莆風前字彥冲號屏山建炎中以廕補承務郎判興化

軍里未詳

一雞足峰

淺水荷花開傍橋。脫鐘樓殿碧山椒。林松繞路行不徹。野鳥避人飛更遙。

明半風雲

三岳正 三首

南字季方號蒙泉。溇縣人。正統戊辰賜進士第三。由文淵閣大學士出知興化府。

小西湖

青風清籟集卷五十七

二

性癖耽山水。莆陽不負吾。林巒青欲滴。城郭隱如無。天險關形勝。地靈效畫圖。全功此子文。我來小西湖。

南山

三年不去為誰留。十里南山似十洲。泉石癖成隨意出。去年風雲不曾休。

又是登高第二回。功名心事已全灰。此時償却山靈債。明日放歌歸去來。

丁鏞一首

字里未詳。成化中出知興化府。

月峯院

青山碧樹一重重。偶爾看雲到月峯。却悔塵緣消未盡。不能長聽上方鐘。

王弼一首

字存敬黃巖人成化乙未進士知興化府

春題見素小畫

素公作詩故竒。時石鼓聲牙字難讀。素公作畫如作詩。峭石挿天松壓屋。

陳効一首

肯風清籟集卷五十七

三

字志學南陵人弘治中知興化府

行部僊遊

碧山如畫豁吟眸。信是神仙此地遊。九鯉有人爭乞藥。一春無事獨登樓。田中水白秧初雨。隴上雲黃麥已秋。民困祇今蘇息否。我來端不為身謀。

江以達一首

字于順貴溪人嘉靖丙戌進士福建提學僉事

東山

展席全依草。張燈半在松。登臨携諸子。待月坐三峰。似

釋空中霧遙聞谷口踪病餘幽意愜茲夕故從容

皇甫濂二首

字子約長洲人嘉靖甲辰進士興化府同知

郡中作寄三兄

海邑罕人事炎天少雁聲林含丹荔發澤蔓紫蘭生巖  
靄山頭薄溪雲水上行東菑正堪務南國若為情感念  
同緜服吁嗟阻寇兵迢迢思萬里今夕月還明

行黃石望壺公山

無能屏紛雜聊與閩山樵日勢清鬱霧江流到海潮綠

清風清籟集卷五十七

四

柔當社樹紅發向陽剋欲就壺公隱鸞笙誰為招

章一壁一首

字未詳鄞縣人嘉靖中由御史謫興化府推官

古梅洞

一到仙山上塵襟便染霞湖聲騰霹靂月色冷蒹葭濕  
澗懸崖雪梅開古洞花茅茨吾欲結早晚飯胡麻

王世懋三首

字敬美號麟洲太倉州人嘉靖己未進士福建

提學副使陞太常寺少卿

宿九鯉湖迎仙館

曰余少迷方中歲返初服。予于復來茲。顧景畏途。豈以獨往心。而從世人角。大夢五十年。展轉猶未覺。云胡復夢。幻境彌相續。行藏本心知。詹季安事卜。恭承九仙入。脫跡在冰玉。靈境果殊觀。寧但醒人目。傳鄧異賢。愚夢者同所欲。安得希至人。無夢長寢足。

平海衛觀大海

一瞬已千里。何人更九洲。乾坤盡積氣。日月在中流。颯起危鰲極。雲蹄失疊樓。茫茫竟何底。身外欲生愁。

莆風清贖集卷五十七

五

復出莆陽即事因之有懷家兄

五馬駉驪又復東。劇行色有壺公。江潮不雨常生白。山葉無霜也自紅。野店風腥魚市近。官橋石老蠅房空。亦知檣袖榮堪寄。只是長天少片鴻。

顧大典一首

字道行吳江人隆慶戊辰進士福建提學副使

九鯉湖

赤鯉仙人去不回。澄湖如練復如苔。累石積石綠階立。面面疏峰逐澗迴。琳闕樓臺凌峯寧。水晶欄檻淨氛埃。

懸崖瀑噴千秋雪。出地濤奔萬壑雷。爐裡丹成龍作馭。  
林間翠擁鳳為臺。珠簾捲霧蒼烟合。玉柱排雲碧障開。  
宅近蓬壺元有石。洞扃瑤草已無梅。煙霞老去偏成癖。  
簪紱拚來豈用猜。蕉鹿迷途堪自笑。尊鱸歸思若為裁。  
夜深翻作遊仙夢。足踏金鰲海上來。

楊四知一首

字元述祥符人萬歷甲戌進士福建巡按御史

九鯉感懷

萬山環繞鯉湖津。夜上遊人問夢頻。千載空餘丹鼎在。

蒲風清籟集卷五十七

六

何郎亦是夢中人。

陸通霄一首

字未詳江夏人萬歷中知興化府

過錢女祠

木蘭陂上動淒風。縹緲雲旌路不通。填海徒悲精衛志。  
補天曾說女媧功。于今粒食無焦釜。千古仙魂有寢宮。  
我亦鬚眉丈夫者。漕渠日涉獨慙衷。

何南金一首

字許卿號前泉泰興人萬歷中知莆田縣



碧瀨亭觀漲得驚字同賦者陳大宗伯肅庵林大  
司成兼字林郡伯丹山馬季聲林晉伯柯爾珍三  
文學

鯉湖東去萬派并。砰訇一路鞭風霆。到來赴壑勢愈勦。

有石如閩復如桁。挈雲擾霧相與爭。蹴走修蛇却倒行。

狂狂發密擠無時停。盤渦迴泆俱不成。踈蹠惟聞縞素兵。

騰躩蕩擊鶴鷗輕。冰蠶霜繭翻沸滂。鯨人失手那敢攫。

怒如馮夷餉。玄冥簸揚玉穀播。其精更如龍母乳九嬰。

白駒駘逸作。天河傾冰烟。冰霰白。日晶無可貌象。只目瞪。

蒲風清韻集卷五十七

七

坐文乘危時一鳴。跳珠直灑頭上纓。欲以竒絕相訴明。

剛容指點不容聲。靜者對此心脾清。壯夫益益怒水聲。

林生晉伯非無情。無奈踳跣仇輓阮。盤礴從膏寒雨。

一片遙田對酒平。怒雨對雨不雨怒雨對雨。

吳麟徵一首

字求玉號磊齋海鹽人天啟中興化府推官

瀨溪道中有感

和笠宿田畔。心期流濕同。陰雲蓄白日。沙磧起長風。

小民生狹田。荒野巖窮。從來天地意。未必達官通。

莆風清籟集

卷五十八

錢唐符元嘉樹谷 叅訂

莆田後學鄭王臣慎人一字蘭陔輯選

受業海寧陳顯曾敬存校閱

遊蹤

唐

薛令之一首

字珍君福安人神龍二年進士官左補闕兼太

莆風清籟集卷五十八

子侍讀

靈嵩寺

草堂棲在靈山谷勤苦詩書向燈燭柴門半掩寂無人  
惟有白雲相伴宿

周朴二首

字太朴一字覓素吳興人乾寧中布衣

贈無了禪師

不學世所惜是何無了公靈匡虛殿外虎跡亂山中畫  
衲必連去古今爭敢同禪情豈堪問問答更無窮

靈巖寺

碧峰頂上開禪坐。縱目聊窮宇宙間。白日纔離東海底。清光先照戶窓前。

宋

陳 瓘 一首

字瑩中號了翁延平人建中靖國初官右司諫

瑞泉庵

飛標逼天象。踈林逗巖煙。烹茶引高士。汲水石罇泉。深不盈尺。潤物無頗偏。百川有盈縮。是坎常泓然。

莆風清籟集卷五十八

二

王十朋 二首

字龜齡號梅溪樂清人紹興丁丑進士以吏部侍郎出知泉州府除太子詹事龍圖閣學士

過蔡端明故居

懷章南過蔡公鄉。駐馬遙瞻數仞墻。丹荔株株經品藻。喬松葉葉惠清涼。四賢詩出人增氣。三諫章成國有光。真是濟川三昧手。清源遊戲作虹梁。

謝林處送奪先紅

莆中荔子勝閩中。烏石山前又不同。正向鈴齋想風味。

奪先人送奪先紅

朱熹一首

字元晦一字仲晦婺源人紹興戊辰進士歷官  
煥章閣待制贈徽國公謚曰文

宿囊山寺

曉發漁溪驛暮宿囊山寺雲海近蒼茫溪山擁深翠行  
役勦修程投閒聊一憇不學塔中仙前途定何事

林亦之一首

字學可號綱山福清人嘉定中布衣

莆風清籟集卷五十八

三

弔林艾軒先師

典型還似魯人初四海衣冠歸坐隅涕落寒江嗟不見  
月明蟾井白雲孤

高翥一首

字九萬號菊圃海昌人嘉定中布衣

宿囊山寺

小泊囊山古化城山林端足擅高名樓臺影外秋風  
鐘磬聲中夜氣清客子情懷宜淡薄主人言語亦分明  
只應海月堂前境從此江湖有夢成

同劉潛夫登烏石山望海有懷方孚若柯東海  
復齋舊遊

念念思歸身欲翰。舊題無暇遍尋看。故人盡入黃泉路。  
遠客空登烏石山。休起癡心乘九鯉。莫勞病眼望三韓。  
神僊未必知吾事。道在尙妨兩鬢斑。

過方孚若故廬

詩境園林萬柳閒。四圍秋草帶愁顏。樓臺寂寞巖成穴。  
巖石崔嵬蚊負山。三徑猶嫌前輩窄。一區今欠此翁閒。  
客來莫怪匆匆去。萬感催人鬢易斑。

莆風清籟集卷五十八

四

文天祥

字宋瑞。一字履善。號文山。吉水人。寶祐丙辰賜

進士第一。官右丞相兼樞密使。加少保信國公。

題卓善夫順寧精舍

人生天地間。一死非細事。識破此條貫。八九分地位。趙  
岐圖壽藏。杜牧撰墓誌。祭文潛自撰。荷鍾伶常醉。興等  
蛻浮生。見解已不易。齊物逍遙遊。大抵蒙莊意。聖門有  
大法。學者必孔自。知生未了。未到知死地。原始則返  
終。始本一致。後來得西銘。精蘊發洙泗。吾體天地塞。

吾氣天地帥。一節非踐形。終身莫繼志。舜功禹顧養。參  
全穎錫類。伯奇令無違。申生恭不貳。聖賢當其生。無日  
不惴惴。彼豈不大觀。何苦勤興寐。吾順苟不虧。吾寧始  
無愧人。而有所忝曠。達未足智。卓哉居士翁。方心不姿  
媚。蒙諛以去國。七年無怨懟。風雨三間茅。松楸接蒼翠。  
斯邱亦樂哉。未老先位置。宇宙如許大。豈以為敬屐。當  
其歸去來。致命聊自遂。天之生賢才。初意豈無為。民胞  
物同與。何莫非已累。君方任于朝。名高貴所萃。乾坤父  
母身。方來日川至。西銘一篇書。順事為大義。請君觀我

蒲風清籟集卷五十八

五

生姑置末四字

陸秀夫一首

字君實鹽城人寶祐丙辰進士官端明殿學士  
同簽樞密院兼左丞相

宿壺山白雲院

松花冉々點蒼苔。屋角梧桐次第開。人倚欄杆猶未去。  
一雙白鶴破山來。

蘭陵詩話二公當流離之際不廢吟味文山尚  
有招隱一詩已載黃今是詩話中。按寶祐四

年登科錄文公天祥一甲第一名謝公枋得二  
甲第一名陸公秀夫二甲第二十七名莘忠節

於一榜洵為異  
事故附錄之

元

盧

琦一首

字未詳惠安人至正二年進士

宿壺山真淨巖

樹下松麻絕點埃。何須海上覓蓬萊。十年容鬢塵中改。  
六月襟懷酒後開。雲影不隨飛鳥沒。江聲偏逐晚潮來。  
干戈滿眼風烟暮。欲別西山首重回。

明

莆風清籟集卷五十八

六

鄭

定一首

字孟宣閩縣人元陳友定記室洪武中官國子

助教

過楓亭驛

餽糧千里又南征。笑把弓刀擁將星。汗血沙塵前後騎。  
檄書烽火短長亭。天連閩海團團白。山遶澎湖點點青。  
遙想環峰三十六。將軍晏坐對滄溟。

陳憲章

二首

字公甫號石齋正統丁卯鄉薦成化中以薦授

翰林檢討

題宋丞相陳俊卿畫像

御史鐵為肝。張秦掛舌端。至今湖嶠月。猶作太師看。

題宋狀元陳文龍畫像

文章甲天下。氣節愧當時。公母亦滂母。千秋名共馳。

鄭善夫 二首

字繼之號少谷莆田人徙居聞縣弘治乙丑進

士官吏部郎中

囊山留別黃伯固

蒲風清籟集卷五十八

七

蒲城東畔囊山遠。黃子茅堂碧樹深。千里獨尋雞黍約。  
九峯同寄水雲心。儂前麋鹿看人慣。春後桄榔委地陰。  
石壁題詩芳蘚合。虎溪分手暮猿吟。

木蘭溪

木蘭山下陂水清。南洋北洋風日晴。慣乘舴艋中流穩。  
頗愛棠梨兩岸明。石壑沙堤迴海勢。鷓鴣灘鷓亂春聲。  
漫向雲莊望。蒲口更從壺頂看滄瀛。

祝 鑾 一首

字鳴和當塗人正德戊辰進士官廣東布政使



瀑布濬

仙源何處來。無乃自天上。不然瀑布泉。那得千萬丈。

龔用卿一首

字鳴治。懷安人。嘉靖丙戌進士官國子祭酒。

僊嶺

尋真初入仙遊路。晴日春山興不違。山向窮時皆鳥道。路當險處有柴扉。雲邊喬木千章暗。澗底清泉百道飛。欲向神仙求秘術。滄洲久已著荷衣。

曹學佺一首

昔風清籟集卷五十八

八

字能始。候官人。萬曆己未進士官陝西副使。

夜宿迎仙館

扶策入名山。幽竒恣心賞。嶺路僻且紆。按林日已曠。修渚留餘光。玄廬此開敞。止宿無別驂。烟霞集吾黨。以茲流水喧。遂致衆山響。明月襲其輝。盈々照帷幌。幽人有所夢。到羲皇上。金雞遶樹號。東方色微朗。晨起不及炊。浩然乃長往。

馬

歎一首

字季聲。懷安人。萬曆中諸生。

碧瀨亭觀漲得人字

何來鬼斧劈嶙峋。千竒萬怪參差陳。斑斑老盡水邊春。  
半黃碧色驕青旻。石根溷泮森無垠。不作小響敲粼粼。  
恍如飛薄江妃顛。又如轟吼雷公嗔。雪浪銀濤驚有神。  
噴花巖石來迎人。細沫絲絲看未真。非烟非霧亦非塵。  
此中莫是蓬萊津。瑤宮貝闕相為鄰。聞說仙吏九仙身。  
我欲從之跨赤鱗。磨音確水激石貌見郭璞江賦

釋弘智四首

字無可號藥地俗姓方名以智字密之桐城人

青風清籟集卷五十八

九

崇禎庚辰進士官翰林檢討

鯉湖漫興

海眼藏峰頂。圓湖瀉曲溪。兩崖成碧井。九疊挂丹梯。雷  
自龍淵奮。雲知雁蕩齊。石門風雨返。好夢不須題。  
滌宜從峽底。遊者上峰來。玉柱如垂纆。天門想渡盃。崖  
高無夏雪。水險造晴雷。却望山巔望。將軍曾自回。

觀南泉集載鯉湖旁有麥斜石所諸勝宋林樵谷

隱處今為劉陶九居

麥斜連石所。仙逕護桃源。窮谷陰風疾。懸崖古木尊。樵

夫嘗引路隱者各開門病返圖餘夢南泉寄一村

宿湖宮閨溱記因成呈蘆中本師所

飛屬高陽共嶺頭鼓鐘香火漢仙樓  
入間車馬皆因夢世外簞瓢始善遊  
路想綠潭漁父引眼歸黃石老翁收  
深山大壑重闕鎖歷過方知踞上流  
作梅宗溱校閱

仙人

蒲風清韻集卷五十八

十

自龍淵分雲知雁蕩齊石門風雨返好夢不須題

翠山天壑重闕鎖歷過方知踞上流  
天門想渡五崖  
世世簞瓢始善遊  
路想綠潭漁父引  
眼歸黃石老翁收  
深山大壑重闕鎖  
歷過方知踞上流  
作梅宗溱校閱

宿湖宮閨溱記因成呈蘆中本師

大嘗引路隱者各開門病返圖餘夢南泉寄一村

甫風清籟集卷五十九

仁 和 陳鴻寶寶所

泰 訂

河 間 紀 昉曉嵐

莆田後學鄭王臣慎人一字蘭 輯選

受業閩清黃作楫宗添校閱

補人

蘭陔詩話吾鄉風雅極盛幾乎人握蛇珠家抱荆壁世久散佚每恨聞見荒陋不能益搜而傳之從他書檢得如獲重寶更錄補詩一卷俟有所得更當補輯明嘉靖以後年代稍近採訪頗

備不復  
補錄

甫風清籟集卷五十九

宋

潘慎修 一首

字德成仕南唐為秘書監正字歸宋授太常博

士累遷翰林院侍讀學士直秘閣

蘭陔詩話宋太宗棋品第一德成棋品第三屢召侍棋因作棋說以獻謂仁則能全義則能守禮則能變智則能兼信則能克又嘗獻詩云如今縱得神仙術也怯君王四路饒集惜不傳

禁林讌會

紅藥深嚴肅廣筵。嘉招仍許廁羣仙。忽窺宸翰雲龍動。乍揭天辭日月懸。散作楷謨珍寶惜。永刊金石共流傳。

况當枚馬從容地。仍集班揚侍從賢。敢竊休明為盛觀。  
願陳風咏播薰絃。不辭勝引承歡醉。長洽昇平億萬年。  
詩見翰苑羣書

薛利和一首

字天益寶元元年進士官屯田員外郎調廣州

通判

蘭陔詩話熙寧中王荆公議權茶欲擢天益廣東提舉天益作詩謝之由是下遷去卒不行

謝王荆公

一路生靈陡頓貧。廟堂康濟豈無人。君王若問茶租法。

昔風清巖集卷五十九

二

請把茶租乞與民。詩見莆陽比事

鄭至道一首

字失攷叔明子元豐二年進士官湖州防禦推

官調知天台縣有錦囊四集

蘭陔詩話公知天台有惠政秩滿邑人攀戀因家于台今廣龍鄭乃其後裔遺集惜已不傳

劉阮洞

採藥歸來世代賒。洞門方此埽煙霞。碧流清泚弄明月。

翠巖高低飄落花。芳草已迷當日路。白雲空想舊人家。

自慚不是流觴侶。漫向人前醉帽斜。詩見台州府志

陳居仁 一首

字安行紹興二十一年進士官華文閣直學士

謚文懿

西湖感舊

蘇公堤畔采蓮船。蘸碧樓臺動管絃。山色湖光宛如昔。心情不似十年前。詩見咸淳臨安志。

盧 篆 一首

字未詳乾道二年進士官封州教授

題梨嶺馮唐廟

昔風清籟集卷五十九

三

五原塞外驕兒悍。萬死臺前女子多。聞道中郎知魏尚。不教天子憶廉頗。詩見莆陽此事。

蔡 戡 一首

字定夫襄曾孫乾道二年進士除秘書正字累

遷寶謨閣直學士

蘭咳詩話公從父琳字子堅工書畫有詩名其詩如竹靜深留月花多不辨香曙分林影外春盡雨聲中又同時方廷實字公美有壽山居士集句如書亂床頭無甲乙鳥鳴窓外自宮商黃徹字常明有浴溪詩話句如贈友人移居云但遣一枝供巧婦不殊大廈供嘉賓巧婦鷓鴣名嘉賓雀名又辰州詩云圓冠思得多于鯽刻木惟宜少似彪用比夢瑣言措大多如鯽及韓昌

黎詩下言人吏稀惟足彪與戲並膾炙人口附錄以傳

題盱眙

自古東南第一山。于今無異玉門關。亂雲衰艸蒼茫外。赤縣神州指顧間。擊楫何人酬壯志。凭闌終日慘愁顏。中原父老應遺恨。祇見羶車歲往還。詩見錦繡萬花谷

方豐之一首

字德亨紹熙中監豐國鎮

蘭咳詩話德亨獲交呂紫薇其集陸放翁序之詩必可觀惜已不傳

歷崎道中

甫風清籟集卷五十九

四

漠漠春陰接海低。濛濛晚雨傍山飛。半歌古埭無人過。時有邨童護鴨歸。詩見後村詩話

柯夢得四首

字東海嘉定七年特奏名有抱甕集

陌上桑

朝采陌上桑。暮采陌上桑。一桑十日采。不見薄情郎。正是吳頭桑葉綠。行人莫唱江南曲。

見舊題壁

小遲點筆醉還嗔。畫斷蕭梁古佛塵。今日重來應抵掌。

十年分付未逢人。

夢蝶

一覺千年一轉機。覺來還是夢還非。當時夢裏知為蝶，便好穿花傍水歸。

晚望

無數寒鴉來遠鐘。物華心跡偶然同。不知海北江南路，便有愁人立晚風。詩見前賢小集拾遺

劉克遜一首

字無競號西墅克莊弟嘉定中以廕補古田令

莆風清籟集卷五十九

五

累遷知邵武軍改知潮州

送楊帥

累詔登華省。當時已避蹤。身閒名轉重。道大世難容。南國因鋤蕪。東山得倚筇。何當投劾去。短褐許相從。詩見詩林

萬選

宋 煜 三首

字伯華嘉定中以廕補官歷知循賓惠三州累

遷直徽猷閣有捧腹集

鐵橋



杖何年擲向空。雲端隱約化晴虹。此橋端的通霄漢。  
誰與同遊訪月宮。

藥槽

清泉一派水潺湲。石穴端然一白安。洗藥煉丹仙已去。  
只留蹤跡與人看。

符竹

仙篆原非世俗書。筆端會把鬼神驅。當年遺跡今何在。  
羽客爭傳竹葉符。詩見浮羅山志。

李 璣 一首

黃風清籟集卷五十九

字未詳咸淳中國子上舍

蘭陵詩話公咸淳戊辰貫道齋上舍三甲正奏  
名唱名後乞以本身官贈父母上考舉辭先聖  
出錢唐門脫綠衫挂于門上泛舟而去

掛冠詩

人言學古思入官。我道學易而官難。平生透出夢覺關。  
本來面目只儒酸。吾親不俟若為歡。不如歸去卧林間。  
殿前三策罄忠肝。多謝君恩天地寬。戲衫脫了白衣還。  
扁舟飛過子陵灘。前修亦有逋與搏。聖世許之俱寬閒。  
何物种放太厚顏。山鬼移文伐其姦。此行無復出關山。

休音息影谷之盤。今朝醜酒酌寧壇。便向錢塘門掛冠。  
詩見古杭雜記

阮秀實 二首

號梅峯咸淳中攝蕪湖茶局

蘭陔詩話梅峯為賈秋壑門客人稱阮怪

孟享仰瞻聖駕

紫烟歛翠碧天長。柳蔭旌旗午尚霜。一朵彩雲擎瑞日。  
光華盡在舜衣裳。

景靈宮恭謝駕回丞相以下簪花

莆風清籟集卷五十九

七

宮花密映帽簷新。誤繞疑蜂逐去塵。自是近臣偏得賜。  
繡鞍扶上不勝春。詩見隨隱漫錄

黃鵬飛 二首

號桂隱咸淳中布衣

送陳隨隱遊廬山

天下廬山第一奇。西風楚子送行時。晦庵白鹿書猶在。  
非是遊山只愛詩。

曾從圖畫識廬山。山好誰知畫亦難。畫好不如詩好護。  
就煩詩筆畫來看。詩見隨隱漫錄

明

朱季和一首

字未詳洪武中薦辟

宋家香

蔡氏荔支譜宋香實如陳紫而小舊屬王氏王巢亂兵欲斧薪王媪抱樹號泣願與俱死賊憐之一斧而止迄今核有斧痕

蔡公譜張老圖宋香品第世絕殊亭嘉植榮且敷巢

兵欲斧斫行厨王媪抱樹死與俱尤物幸之留根株宋

氏老人八十餘得之即比營世居五百餘稷枝葉舒清

陰如幄垂庭除薰風時來蘭麝如赤日照耀珊瑚珠桃

昔風清韻集卷五十九

八

紅籠出白雪膚斧痕着核留真核異香奇味沃下無有

孫文用美且都撫之愛護如瓊琚故家喬木多摧枯雲

仍世守應無虞詩見宋比玉荔支譜

林希哲一首

字未詳洪武中薦辟官香山教諭

宋家香

吾莆名菓鮮荔支君謨有譜世所知陳紫方紅固為貴

宋香品彙尤珍奇六月炎馱日正長纍纍綠葉垂絳囊

薰風微度疎林晚比隣猶覺聞清香核上儼若斧斤痕

茲事竒怪難評論。云是當年巢寇亂。欲伐其枝投爨焚。  
蟠々老嫗以身庇。天然幻出斯靈異。至今又歷數百年。  
後人培植常留意。詩見宋比玉荔支譜。

方弘敬 一首

字從齋洪武中徵辟官邵武教諭

擬古

明月生清暉。中庭墜白露。素女皎冰肌。開絨看織素。持  
欲贈遠人。迢々隔天路。悒鬱感秋風。失情空自顧。盛筵  
處幽閨。嘆為芳姿悞。詩見方氏文苑。

蒲風清籟集卷五十九

九

林祥敏 一首

號易齋永樂中薦辟官道州訓導

遊南山和韻

澹々春光合。濛々曉望迷。泉鳴深澗底。人語小橋西。宿  
露沾花重。寒雲着樹低。舊遊應不遠。披卷憶曾題。

余琦 一首

字世珍成化乙未進士官按察僉事

過李長者祠

障海功成粒衆生。黻祠千古薦蕭蘅。應慚卜式逢明主。

尺獻。贏餘。馳遠征。

林仕鳳一首

字鳴盛號東岡正德丁丑進士授大理寺評事

陞雲南僉事

春盡至大理和邵憲副韻

春去天涯我獨憐。萬花南郭墜晴煙。浮雲異國山川外。  
清夜高臺斗宿懸。紫燕入簾偏認舊。蒼顏窺鏡不如前。  
幸陪驄馬觀風地。日日邊城聽管絃。詩見大理石刻

陳大珊一首

昔風清籟集卷五十九

十

字若寶號橫山嘉靖癸未進士官廣東兵備副

使

蘭陔詩話橫山居官以清節著既罷歸屏居田  
間跡不及城市愛陶淵明高致時取其詩和之  
興趣間有似者

稼上老農相慰勸歌

行田逢老農。携壘憇高柳。問余何憔悴。父老量乏酒。人

生貴自適。功名終何有。君本林壑姿。似非經濟手。誤

樊籠中。毛羽損已久。幸茲勸羸鞍。筋骨未衰朽。海

新耘畏途脫。奔走志士務。食力素餐亦何取。縱

內痛飲君能否解。箬拉予坐折柳簪子首。奉杯每激昂。  
開懷不離口。一杯復一杯。不覺日入西。涼風飄來掀。  
髯衣露肘笑言答。景光不飲亦何醜。真率動人意。羲皇  
有興叟。沉醉那得辭。取醴更爲壽。夜深天宇高。俯歌振  
林藪。相將澤畔歸。縱橫動星斗。

歐志學一首

字須靜號次溪嘉靖乙酉鄉薦官潮陽知縣

紫薇花與黃亨夫給諫對酌

小園抱甕度年芳。長夏雲霞引興長。獨愛清陰舒滿地。

蒲風清籟集卷五十九

十一

閒隨日影上東牆。輕香冉冉分華省。晚色娟娟照海。  
爲語花神須佐酒。座中今有紫薇郎。詩見郊居詩以

李日新一首

字宗銘長盛弟嘉靖癸卯鄉薦官臨高知縣

春日聞雁

平蕪萬里海天開。獨立高樓聞爾來。書寄蕭關知到否。  
琴彈夜月不勝哀。曾隨鷹隼凌秋漢。苦爲稻梁過楚。  
最是酒醒人散後。小窓欹枕思難裁。

仙遊補人

傅誠一首

字至叔淳熙八年進士官太常博士

妙庭觀

在富陽縣董漢成故宅

會宴瑤池阿母家。九霞光繞翠瓊車。坐中一曲山香舞。帽上看看有落花。詩見杭州府志

蔡

卞一首

字元度熙寧三年進士官樞密院樞密使觀文

殿學士拜昭慶軍節度使紹興初追貶單州團

練使

青風清籟集卷五十九

十二

贈華陽法師

師到華陽洞。仙花幾度開。祇應常救物。却遣世人來。詩見

茅山志

莆風清籟集

卷六十

連江 楊鳳騰 梧園 叅 訂

里中後學鄭王臣慎人一字輯選

受業姪德光起潛 校 閱

補詩

蘭陵詩話唐宋名賢遺編罕覩偶獲一二章如  
此龍片甲鳳凰一毛深足寶貴更錄補詩一卷  
如黃文江徐昭夢蔡君謨林艾軒黃知稼劉後  
村諸公遺集猶不復補錄

唐

莆風清籟集卷六十

林藻

七首

已見第一卷

為樵

致政新輕舉。為樵亦易窮。文章還古道。禮數逐秋風。獨  
鶴千松下。萬航一水中。最憐當路草。衰敗與人同。

許稷一首

已見第一卷

風動萬年枝

瓊樹香偏早。尤飛處處宜。曉浮三峽日。暗度萬年枝。



娜搖仙禁。纏紛映玉池。含芳烟。乍分佛。如雲初。移。足。並  
韶陽。煦。皆先。衆草。垂。成陰。知。可待。不與。衆芳。隨。

翁承贊 三首

已見第二卷

權探花使

洪崖差遣探花來。檢點芳叢飲數杯。深紫濃香三百朵。

明朝為我一齊開。

九重烟煖折槐芽。自是昇平好物華。今日始知春氣味。

長安虛過四春花。

昔風清籟集卷六十

探花時節日偏長。恬淡春風稱意忙。每到黃昏醉歸去。

紆衣惹得牡丹香。

蘭陵詩話唐進士杏園初宴謂之探花宴以少  
後二人徧遊名園折花謂之探花使弱文竟少  
年登第充探花使有詩云云今人以第三人及  
弟為探花非也

鄭準 二首

已見第二卷

蘭陵詩話公為荆南節度使成汭從事自負雄  
筆欲比陳琳阮瑀宋玉鍾四六話載公代成汭

乞歸姓表云名非霸越浮舟難效於陶崇志在  
投秦出境遂稱於張祜梓甚工切木酒宮集三

卷後因諫汭為汭所害案指世家語大府  
露生觀察使世文部侍郎瑋

夫子中允教生吏部尚書  
曹郎臯司門郎壽州刺史  
元稹壽州刺史下及第詩  
明江南一詩而興化府選舉  
走夫載家山馬山  
齋公撰昔陽文獻亦不錄  
公詩豈尚未考及抑  
因唐孫光憲北夢瑣言稱  
榮陽鄭準耶榮陽蓋  
指族望而言非  
謂家在榮陽也

### 清明日江南

吳山楚驛四年中。一見清明一改容。  
旅思兵風連夜起。韶光隨酒着人濃。  
延興門外攀花別。采石江頭帶雨逢。  
無數歸心何日是。路遙戈甲正重。

### 寄進士崔魯範

昔風清籟集卷六十一

三

洛陽才子舊交知。別後干戈積詠思。  
百戰市朝千里夢。三年風月幾篇詩。  
山高雁斷音書絕。谷背鶯寒謫代遲。  
會待路寧歸去得。酒樓漁浦重相期。

宋

### 方子容一首

已見第四卷

### 羅浮五龍潭

風雪未借且潛藏。峯上誰歟起道場。  
禪子主聽金竺語。老人拜獻玉函方。  
法輪廣大乾坤裏。第幾幽深日月長。

千古不愁為佛護。夜潭動禮玉臺梵。

蔡佃一首

已見第四卷

豁然閣

長風東南來。濁浪繞清鏡。小軒寂寥人。默視心境靜。扁舟暫淹留。思與孤鴻迥。洞庭眼中物。何必更乘興。頑石漫岵岿。終慚泗濱磬。

方惟深二首

已見第四卷

黃風清竊集卷六十

和五日郡守開宴會九老于廣化寺韻

使君瀟灑上賓閒。金地無人晝閉關。風靜簫聲來世外。日。仙境在人間。詩成郢客爭揮翰。曲罷吳姬一破顏。此節東南無此會。高名千古映湖山。

謁荆公不遇

春江渺。抱牆流烟草茸。一片愁吹盡柳花人。不見。

青旗催日下城頭。中吳紀聞子通遊荆公之門初無

帥下車必即其廬見之前後上章論虛者甚衆竟絕

仕僧仲殊贈詩有依舊妻涼無長物只餘云檜養秋風

書之句可以見其清高矣年八十三

年八十三

徐師仁 一首

已見第四卷

登瑞巖山

携筇登絕巘。朝爽薄危欄。乘勝移杯斝。憑高憶羽翰。泉聲穿石響。樹色入秋寒。對酒頻長望。心同渤海寬。

方翥 一首

已見第五卷

呈景立兄

雞犬還家自識村。重營生理長兒孫。時平戰地逢華屋。

昔風清籟集卷六十

五

歲久他鄉是故園。別後塵埃如我老。歸來蒼鬢幾人存。雁行疇昔從遊者。莫話凋零恐斷魂。

蘭陵詩話公理學名儒而詩亦極工。佳句如秋明河漢外。月近斗牛旁。山寒一杯酒。歲暮兩窮人。可惜聽泉夜。還當殘月時。見楊誠齋詩話。

元

洪希文 一首

已見第七卷

題聖墩妃宮 即眉洲真

我昔纜舟謁江干。曾觀帝子瓊華顏。玉鐙射雷電。

殿閣碑元魚龍間。此洲仙島誰所構。正藝軒詔規層淵。  
壺山峙秀倒影入。乾坤擺脫呈倪端。粉堊丹桂輝揜映。  
華表聳突過飛翬。湘君小水幻靈骨。虞帝跡遠何由攀。  
銀樓玉閣足官府。忠孝許入巫成班。帝憐遐陬雜鯨鯨。  
柄受水府司人。竅五雲殿。邃嚴侍衛山。衣法駕朝天。關  
危。槽出火海。浪破神鬼役。使忘險艱。靈旆旒。筆廣樂。振  
長。與萬里。翔虬鸞。平洲遠。與天所。劃古席。不獨誇黃灣。  
至。入。何心。戀桑梓。如。水。在。地。行。曲。盤。升。階。再。拜。薦。脯。藻。  
不以菲薄羞儒酸。日談詩史得少暇。石橋潛度凭雕欄。  
詩成不覺肝膽醒。松檜蒼蒼鳴玦環。騎鯨散髮出長嘯。  
追逐縹緲乘風還。

昔風清籟集卷六十一

六

蘭陔詩話天妃林姓閩王時統軍兵馬使愿之  
女莆田湄洲嶼人生而靈異能乘席渡海人呼  
曰龍女名其墩曰聖墩宋時賜號靈惠夫人元  
時加封天妃汝質此詩蓋作於至元加封時也

仙遊補詩

蔡京二首

已見第五十四卷

蘭陔詩話京詩已錄三首茲從中吳紀聞揮塵  
後錄得詩二首錄之一以見京之盛滿一以見

京之零落也

詔賜南園贈親黨

八年帷幄竟何為。更賜南園寵太師。堪笑當時王學士。

功名未有便吟詩。

中吳紀聞南園乃廣陵王舊園中有流杯旋螺亭亞于浪浪之景王黃州

為長洲時無不携客醉飲嘗賦詩云他年我若功成後乞取南園作醉鄉今園中大堂遂以醉鄉名之大觀末

蔡京罷相欲東遷詔以其園賜之京即以詩贈親黨云黃州之詩不遇寓意耳京遂以無功名誚之黃州雖

終為黜臣其名與天地同不朽矣

別寵姬

為愛桃花三樹紅。年、歲、惹東風。如今去逐他人手。

誰復尊前念老翁。

揮塵後錄蔡京既南遷中路有旨取所寵姬慕容容邢武三人以金人指名

蒲風清籟集卷六十

來索也京作詩別之

陳覺民

二首

已見第五十四卷

寄米元章

汨汨塵埃閱歲華。青山相見認空花。清淮風月元無價。

馮仗詩翁為我賒。

長淮千古自流東。六月城頭日、風天際玉潢無少處。

夜山圖在月明中。



